



ATASSUT

UPA 2016/63

Steen Lyngé

29. 04. 2016

**Nammisornersorlutik Oqartussat kommunillu Danmarkimi nunanilu allani kiffartuussinernut atatillugu aningaasartuutigisartagaasa Naalakkersuisut UKA 2017-mut misissuinermik saqqummiussinissamik suliniuteqaqqullugit inatsisartut aalajangiiffigisassaattut siunnersuut. Missuinermi aamma innersuussutit qanoq ililluni nunatsinni kiffartuussinerit atorluarneqarnerusinnaanerit, taamaalilluni nunatta avataaniit kiffartuussinerit annikillissarnissaat anguneqaqqullugu.**

**(Inatsisartunut ilaasortaq Anthon Frederiksen, Partii Naleraq)**

Atassut imaattumik Anthon Frederiksen, Partii Naleraq siunnersuutaanut oqaaseqaateqassaaq.

Siunertat siunnersuummi tapersernissaannut pissutissaqarpoq. Paasisimasatigut kaajallaasitami pineqartumi tungaveqarnissaq pisariaqarpoq pitsaaqutit ajoqutaasinnaasullu nalilersorsinnaajumallugit, taamatullu malitsigisaanik pitsaasuvoq innersuussutinik pissarsisarneq qanoq siuarsaanissaq sumiiffinni ataasiakkani suliffinnik atuilluarnissamut angusaqarluarfiunerpaaq pineqarluni pisortat susassaqarfiiniit kiffartuussinernik pisisoqartarnerini.

Naalakkersuisut akissuteqaatiminni paasissutissiissutigaaq, opineqartumut pisortanit pisisarnermut tungatillugu kaajallaasitamik nutaamik takkuttoqassasoq taannalu tusarniaassutigineqarnera ingerlasoq. Naalakkersuisut siunnersuut taperseraluaraat, innersuussutigaaq Naalakkersuisut siullertut nalilersuisuusumik suliaqartoqassasoq, tassuunakkut kaajallaasitaq atuutilerutmaartussa qanoq misilattakkatigut katersaqarumaarneranik.

Taanna kaajallaasitaq takkuttussa q suli atuuttuulinngimmat taamaammallu periarfissaanngilaq sunniutai suusanersut paasisaqarfiginissat, taamaasilluni pisariaqarpoq utaqqassallugu nalilersuut pineqartumut. Tassuunakkut Naalakkersuisut taperserpagut siunnersuummut allunnguutissatut inissiiffeqarnerat

Taamatut oqariarluta oqaaseqaammut imaattumik tapiuteqassaaqut.

Ullumikkut Kalaallit Nunaat, Naalakkersuisut paasissutissiinerattuut – EU-mut peqateqarnissamik isumaqatigiissuteqarpoq, tassuunakkut Kalaallit Nunaat pituttorfeqarpoq immanut – EU-mi nunaasunut – suliarisassat ammasut, Kalaallit Nunaat pisortat aqqutigalugit suliariumannittussarsiuussitillugu.

Atassut isumaqarpoq Namminersorlutik Oqartussat ilivitsuusumik atorluassaggat Kalaallit Nunaata EU-mut ilaasortaanginnera.

Kalaallit Nunaat EU-mik isumaqatigiissusiornikkut suleqateqarsinnaasariaqarpoq, tassuunakkut Kalaallit Nunaat EU-mi ilaasortaasuniit assigiisinneqanngikkaluarluni. Akitigut qaffasinnerpaaffiusussamik atuuttussanik inissiisoqarsimappat, tassuunakkut EU-mi nunani pisortat ammasumik suliariumannittussarsiuussisarnerat ingalassimatinneqarluni, taannalu qummut killigititaasoq peerneqallaqqunarpoq imaluunniit minnerunngitsumik qaffasinnerusunngoqqillugu.

EU-mik suleqateqarnerup Kalaallit Nunaata soqutigisai kingullinngortissanngilai!

Taamatut EU-mut tunngatillugu ammasumik suliariumannittussarsiuussisarnermi piomasaaqatini atuutsinneqartuni, Kalaallit Nunarput EU-mut ileqqaarfiulluartutut inissisimavoq. EU-mut isumaqatigiissutit atuuttut – pineqarlutik ukiumoortut tapiissutit Kalaallit Nunatsinnut 100 million-it ikittut – naleqqersuukkaanni EU angusinnaasatut pisortat aningaasaataannut pissarsiarisinnaasaanut ukiumut ca. 1.5 milliard-inut angummatinngeqaaq

Taamaattumik Atassut-miit Naalakkersuisut sakkortuumik kaammattussavagut suliniutigeqqullugu – Kalaallit Nunaat isumaqatigiissusioruni imaluunniit sivitsuiniarluni isumaqatigiissutinik pioreersunik -- tassuunakkut Kalaallit Nunaat sapingisamik EU-mut ilaasortaasunut nunani ammasumik suliariumannittussarsiuussinermut tunngasuni piomasaaqatitaqanngiffiusumiissasoq, tassuunakkut Qallunaat Nunaata ataani, pineqarluni pisortaniit kiffartuussinikkut suliariumannittussarsiuussisoqartilugu Kalaallit Nunaanni.

Taamatut oqaaseqarluta Naalakkersuisut allannguutissatut siunnersuutaat taparserparput.